

75 cts.

CBB

APRIL 1978 No. 16

WARERO

VENTA DI
WARERO

SERVICIO DI
WARDA PA FIN
DI SIMAN

MAS VIGOR Y
ABUNDANCIA
PA NOS
MATANAN

NUMBER DI
SUERTE

REPORTAHE
WANDELMARS

PAGINA DI
ANTANO
(Trio Quisqueya)

POESIA
(Guerra di flor)

AMERICA
LATTINA Y E
AUMENTO DI SU
POBLACION

ORIGEN DI
TRAHE
FEMENINO

E PALABRA
DOLLAR TA UN
VOZALEMAN

ENTREVISTA CU
SRA. DELIA
MADURO
KENDE SU CAS
A KIMA

ST. PATRICK:
(March 17, 1978)

TONY ZALE

HOROSCOOP

PINTURA PA
NOS
MUCHANAN

COOKING WITH
A STAR
LINDA CARTER



TRIO QUISQUEIA



PAGINA DI ANTAÑO

TRIO QUISQUEYA


Nos redaccion tabata di bishita na cas di Señor James George Maxwell, kende tabata integrante di e popular trio "Quisqueya" cual trio a wordo funda na 1950, pa Sr. Thomas Lake kende tabata guitarista, y prome cantante y Thomas tabata tin e voz unico di Panchito Ricet, demas integrante nan tabata Tony Maddicks, (marakero y segundo cantante) y Sr. James Maxwell (guitarista).

Originalmente promer cu Trio Quisqueya nan tabata un grupo mas grandi, cual tabata un Sexteto, esta Sexteto Quisqueya, y esey tabata na 1940. Na 1961 nan a hasi di Trio Quisqueya un biaha mas un Sexteto, a bini a serca Gaston Hazel ariba Timbales, Tico Querrero ariba Bajo, y Francisco Madenbourgh como tropetista.

Trio Quisqueya a jega di toca hopi caminda aki na Aruba, y tambe na Curacao, nan tabata hopi conoci pa nan estilo di Matamores, e trio aki tambe tabata un di esnan cu a toca durante e promer radio station comercial aki na Aruba, esta Radio Kelkbocm, e trio aki tin un composicion cual ta titula "ARUBA", pero lastima nunca a wordo poni ariba disco, cual ta un lastima, pero si nos redaccion por a scucha hopi di nan cancion nan cu ta ariba tape, y cual ta wordo warda cuidadosamente pa Sr. Maxwell, y hopi biaha por tende algun di nan cancion nan via Radio Antillana den e programa dominical, esta recordar es vivir.

E Trio aki tabata activo te cu cuater aña pasa ainda, pero lastima cu nan mester a stop di toca pa motibo nan personal, pero segun Maxwell a conta nos redaccion tin un persona kende ta Pantin Querrero cu ta tratando di revive e trio aki un biaha mas.

Thomas Lake, kende ta naci na Republica Dominicana (San Pedro de Macoris) y Thomas Lake ta e conocido chauffeur di Auto bus B-24, y Tony ta trahando actualmente na Ecuador, y Maxwell ta emplea na Aruba Trading Car Company. Di su vida personal Maxwell a relata lo siguiente: Maxwell ta naci na Saba Nov. 6, 1925 y ta tata di dos yiu muher, y Maxwell a bin biba na Aruba na 1934, na unda el a cuminza traha pa Lago, nave-



gando a bordo di e Lake Tanker S.S. Andino, e trabao aki Maxwell a hasi pa II aña largo, e dia cu submarino a tira ariba e barconan aki na Aruba, Maxwell tabata na Maracaibo na unda nan tabata tumando carga, y un dia despues nan a haya e noticia di loke a pasa aki na Aruba, pero esey no a discurashe, Maxwell a sigui nabega y su ultimo barco tabata SS Guarico. Despues e a traha pa Lago como police, y despues di su lay-off el a bay traha na A.C.I. pa 7 aña largo. Maxwell a cuminza toca guitarra tempo e tabata tin 15 aña di edad, Promer cu e tabata toca cu Tric Quisqueya, e tabata toca pieza nan Ingles solamente, hunto cu Lee Pompey ariba Bandolin.

Segun Maxwell a conta nos redaccion cu e trio nan actual ta toca solamente pa entertainment, pero Trio Quisqueya por toca musica pa baila, y e musica cu tin awor ta mas desarolla cu antes, antes no tabata tin stereo, pero awor aki e instrument nan ta mas moderno. Ariba un pregunta cu nos redaccion a hasi Sr. Maxwell, si e mester escohe entre e musica di ayera y esun di awe, ta cual el lo escohe, el a contesta lo siguiente "naturalmente esun di antes, debi esey ta un musica cu nunca lo muri, awendia bo ta haya diferente tipo di musica, pero tur ta pa un poco tempo, y e musica actual mester tin algo di esun di ayera".

Nos redaccion por a mira un cantidad di disco nan cu musica di antes y cu ta wordo bon cuida, e.o. Matamoros, Sexteto La Palya, Trio la Rosa, Guaracheros de Oriente, Mario Hernandez y mucho mas, cual indudablemente ta un collection hopi grandi. Esaki ta en corto encuanto di e conversacion cu Revista Warero tabata tin cu Sr. James George Maxwell, y nos ta spera cu pronto nan lo bolbe forma e popular Trio Quisqueya, pa asina nan por sigui brinda e amantenan di musica di ayera den e estilo unico di Trio Quisqueya. Revista Warero kier a gradici Maxwell pa su cooperacion duna na nos redaccion, pa asina Warero bolbe brinda otro Pagina di Antaño, y e biaha aki cu e popular Trio Quisqueya



Max y Pedro Maduro: grabando na Radio Kelkboom

H.S. CROES SUPERMARKET



E Supermercado mehor surti,
y cu prijs nan na alcance di un y tur.
Bin hasi un bishita y convence bo mes

H.S. CROES SUPERMARKET.

Agente exclusivo di leechi
"GOLDEN CROWN"

GUERRA DI FLOR

*Mainta cu rayo di solo
flornan ta cuminsa spierta
Tin cu ta lamta for di sonyo
of ta cuminsa pleita.*

*Prome cu ta papia ta gayena
e ta grita polvo schimaron
ki mishi bo aki den hy'ene
den mondi pa bo ta mas cu bon.*

*Segun solo kima bo "chimi"
bo ta plama mal holo.
Aki den hoffi di flor fini
mester ranka bo benta for.*

*Chimi - Chimi ta gzoza solo su salida
no ta tuma tempo pa contesta
Ela' murmura su atrebida
cu si pa e hardinero, mi ta bon cuida.*

*Cayena si a keda teyma
te cu ela bira cansa
Hey Chimi - chimi manpurito
ta cu bo mi ta papia pakico bon ta contesta*

*Chimi - chimi s hsls un rosea
Awo si e no por wanta mas
a bati tur su blachinan di sumpiña
habri su flornan mas y mas.
E di!!*

*Cayena lenga largo
cu tur flornan bo ta kick
Tur mainta e mes un chasco
bo ta papia te bo kick.*

*Bo'n sa cu ta mahos bista
pa sinta ferfela' bo mas cu ta
prome cu solo su despedida
ya bo a cuminsa marchita*

*Goza di e' solo cu bo mes bida
goza tur loque cu bo por
Com bo por papia te merdia
busca fama di tur flor.*

*Bo ta perde mucho tempo
pa e bida cu bo tin
Na luga di ta contento
bo ta zundra bay sin fin.*

*Larga di biba, bida di otro
Causa desgusto pa bo via
Corda bida. corda morto
pasobra bo ta flor di un dia.*